

廣

州

大

典

陳建華 曹淳亮 主編

廣州大典

9

第一輯·廣雅叢書
第九冊

廣州出版社

目錄

漢書辨疑二十二卷	清錢大昭撰	一
漢書注校補五十六卷	清周壽昌撰	一六二
漢志水道疏證四卷	清洪頤煊撰	六一二
漢書西域傳補注二卷	清徐松撰	六五三
人表攷九卷補一卷附錄一卷	清梁玉繩撰	六九五
漢書人表攷校補一卷	清蔡雲撰	八八四

漢書辨疑
卷二十一

光緒三十季十
月廣雅書局刊

兩漢書辨疑序

兩漢書刊誤劉原父與其弟貢父其子仲馮同撰今已不傳惟載於前明監板中此所載者宋元人所採耶明人所採耶從足本全行收入耶抑僅摘若干條而其餘尙多刪棄者耶不可知也然宋史藝文志稱劉氏書凡四卷趙希弁讀書附志云東西漢各一卷則其書大約無多監本所採之遺亦無幾矣外有吳斗南補遺秀水朱氏稱其博洽以予攷之亦醇疵互見援引多而裁斷少又以諸經解說糾纏於史學未免失之支離耳錢君可廬出示所撰兩漢書辨疑四十二卷卷帙之富已十倍於劉氏五倍於吳氏而校譌補闕精澁確當披卻導窾闡幽決滯生於幾千百年以下追及幾千百年以上之事恍如掌上羅文一

兩漢書辨疑序

廣雅書局

一皆可指按視劉氏吳氏不可同年而語矣兩漢文字近古與五經相出入不識字不通古學者固難與語此可廬精於說文澁通古訓穿穴經史傳記纂銘碑碣善求其間識純而心細實事求是不屑爲支蔓語故能折衷羣疑而於官制地理所得尤多洵班范之功臣史家之指南也予向因專力治經未遑究心乙部然於讀史之道固亦略識其梗概異日拙著尙書後案成當研攷諸史庶幾與可廬共相析疑矣乾隆四十四年春三月王鳴盛序

漢書辨疑卷一

嘉定錢大昭撰

目錄

第三卷韓王信 福建本信下注子續當孫增五字汲古閣本脫福建本者明按察司按察使周采提學副使周琬巡海副使何喬等所刊

第二十五卷衛青霍去病李息公孫敖李沮張次公趙信趙食其郭昌路博德趙破奴 福建本李息等九人分注於去病之下

高帝紀

母媼 說文解字媼女老偁也讀若奧

漢書辨疑卷一

廣雅書局刻

夢與神遇 爾雅釋言遇偶也對偶之義戰國策盼子復整其士卒以與王遇高誘注遇敵也此與神遇亦對偶之意小顏以為不期而會失之

常從王媼武負貫酒注蓮勺音酌 酌當作輦監本闕本皆誤常折券棄責 券當从刀从力者古倦字責南雍本闕本並作負尋注文義負字為是惟史記作責

鄉者夫人兒子皆以君注如淳曰以或作似顏監以如說為非案史記及論衡骨相篇並作皆似君如說為是蓋言相之大貴皆似君耳非謂呂后之貌有類高祖也漢書凡以字皆作呂此獨作以以即似字說文佊象也已用也隸書以不成字故加人于左

三百五十五

芒碭山澤間 碭當从易

高祖怪問之呂后曰 闕本作高祖怪問呂后曰秦二世元年 闕本連上不提行二年三年放此

合置將不善 令南雍本闕本及史記並作今顧吏擇可者 吏南雍本闕本及史記並作更注割廬山發而出水 割闕本作葛

秦泗川監平注師古曰川或為水 案地理志作泗水則作水者是 周勃傳作泗水

走至戚師古曰東海縣 胡梅磻曰沛郡與東海相去頗遠壯兵敗而走未必能至東海之戚班志沛郡有廣戚縣恐是走至廣戚

漢書辨疑卷一

廣雅書局刻

章邯破殺魏王咎齊王田儋於臨濟 田儋魏豹傳荀悅漢紀皆作臨濟惟項籍傳作臨菑疑誤

至城陽 城當作成此濟陰之成陽縣與濮陽相近乃道碭至陽城與杠里 胡梅磻曰自碭取道而西也陽城史記作成陽韋昭曰在潁川則是謂陽城也索隱曰在濟陰則是謂成陽也杠里孟康服虔皆以為縣名而班志無之子案

沛公之兵自碭而攻秦道成陽與杠里而後破東郡尉於成武成陽縣屬濟陰成武縣屬山陽濟陰唐為曹州成武屬焉若取道潁川之陽城當自此西趨洛陝安得復至成武邪當從史記成陽為是杠里之地蓋在成陽成武之間

與魏將皇欣武滿軍 滿闕本及史記俱作滿

大四百一十五

又戰曲遇東 郡國志河南中牟有曲遇聚
從輶輶 薛綜注東京賦曰輶輶阪十二曲道將去復還故曰

輶輶

與南陽守騎 騎漢紀作呂騎

封陳恢千戶 漢紀作千戶侯李廣芸曰封恢千戶猶陳餘在

南皮而環封三縣不必侯也漢紀侯字或衍高紀十一年封薛公千戶亦非

侯

往說秦將昭呂利 昭與囁同史記樂毅傳令趙囁秦以伐齊
之利徐廣曰囁進說之

漢元年傷人及盜抵罪注李奇曰 裴駰集解作李斐說

毋內諸侯軍 內讀若納

漢書辨疑卷一

三

廣雅書局

會羽季父左尹項伯 左尹官名

臣與將軍戮力攻秦 戮閭本作勦注同說文勦并力也戮殺

也其義迴別書湯誥聿求元聖與之勦力左氏昭廿五年石

經勦力壹心戰國策勦力同憂高誘曰勦力勉力也其字皆

從力惟成十三年左傳有戮力同心然唐石經及宋本皆作

勦

籍何以生此 生南雍本閩本皆作至

曾因譙讓羽 方言譙讓也齊楚宋衛荆陳之間曰譙自關而

西秦晉之間凡言相責讓曰譙讓

與樊噲斬彊滕公紀成 滕公夏侯嬰也紀成索隱曰漢書作

紀通通紀成之子與今本不同

九三
小二十一

收巴蜀租給軍食 軍下南雍本閩本俱有糧字

二年河南王申陽降 河南故秦三川郡

新城三老董公 此與武五子傳壺關三老茂皆縣三老也隋

文帝改新城爲伊闕取山爲名

以魏地萬戶封生 貢禹傳天子報禹曰朕以生有伯夷之廉

史魚之直師古曰生謂先生與此同義

漢王以韓信爲左丞相 李廣芸曰曹參以假左丞相定魏齊

以右丞相侯鄼商遷右丞相賜爵列侯後復以右丞相擊陳

孫樊噲亦嘗遷左丞相皆係空名不居其職故公卿表不載

三年十月甲戌晦日有食之 在斗二十度燕地

十一月癸卯晦日有食之 在虛三度齊地

漢書辨疑卷一

四

廣雅書局

良發八難 八難見良本傳

轅生說漢王 漢國三老袁良碑云厥先舜苗世爲封君周之

興虞闕父典陶正嗣滿爲陳侯至元孫濤塗初氏父字立姓

曰袁魯僖公四年爲大夫袁十四年頗作司徒其末或適齊

楚而袁生獨留陳當秦之亂隱居河洛高祖破項實從其策

案今本左氏傳及石經皆作轅陸氏釋文本作袁穀梁傳法

言茲作袁不从車旁唐宰相世系表袁生元孫幹八世孫

良則良卽袁生之後裔也

八月臨河南鄉注師古曰鄉讀曰嚮 鄉當讀爲響荀悅漢紀

作王饗師河南

四年割洪溝呂西爲漢 洪當爲鴻注作鴻

四百二十五

乃封侯公爲平國將 荀紀作平國君

五年深壘而守 壘南雍本閩本並作壘

隨劉賈皆會 閩本隨下有何字南雍本亦脫

封項伯等四人爲列侯賜姓劉氏 四人謂射陽侯劉纒

徐廣曰項伯名纒 平泉侯劉它桃安侯劉襄也其一人漢表未聞史記

作元武侯

大王陛下注應劭曰陞者升堂之陞 升閩本作外南雍本亦

誤

七大夫公乘自上皆高爵也 賈誼傳雖有長爵不輕得復張

晏曰長爵高爵也雖受高爵之賞猶將禦寇不得復除逸豫也

漢書辨疑卷一

五

高起王陵對曰注張晏曰詔使高官者起故陵先對孟康曰姓

高名起臣瓚曰魏相邴古高帝時奏事有將軍臣陵臣起

案瓚說非也魏相傳述高帝時受詔長樂宮者但有將軍臣

陵無臣起荀悅漢紀亦無高起二字張孟說皆不了當是衍

文

徒諸侯子關中 諸侯子猶言諸侯人也上文云楚子諸侯人

之慕從者數萬人文穎曰楚子猶言楚人也諸侯人猶諸侯

國人

六年令天下縣邑城 荀紀作令復天下縣邑

今上尊太公曰太上皇 案秦始皇本紀云追尊莊襄王爲太

上皇高帝用秦制也

七年擊韓王信於銅鞮斬其將 其將王喜也

蕭何治未央宮 太平御覽引關中記云未央宮蕭何所造周

迴二十三里疏龍首山土爲殿基殿基出長安城上

注蓋蕭何初立未央宮 立閩本作治

置宗正宮 宮當作官宗正本秦官是時始置

八年上東擊韓信餘寇於東垣 此韓信韓王信也

賈人毋得衣錦繡綺縠絺紵 穀釋名云粟也其形足足而

蹴視之如粟也又謂沙穀亦取蹴蹴如沙也屬當作縹說文

屬魚網也縹西胡毳布也

九年詔敢有隨王罪三族 案周官小宗伯掌三族之別以辨

親疏鄭注三族謂父子孫人屬之正名婚禮請期辭曰惟是

漢書辨疑卷一

六

三族之不虞欲及今三族末有不億度之事而迎婦也如此

所云三族不當有異姓異姓其服皆總麻不禁嫁女娶妻惟

尙書歐陽家以九族爲父族四母族三妻族二其實非也爾

雅釋親父之親爲宗族母之親爲母黨妻之親爲妻黨是族

與黨秩然有辨若合異姓爲族則名不正矣如滔以三族爲

父族母族妻族者失之張晏以爲父母兄弟妻子亦未爲得

也

十年五月太上皇后崩七月太上皇崩葬萬年 案盧綰傳云

十年秋太上皇崩史記七月太上皇崩櫟陽宮楚王梁王皆

來送葬則晉灼以爲長夏五月太上皇后崩八字者是也注

家說皆不了荀悅漢紀五月太上皇崩七月太上皇葬於萬

年雖較漢書明晰然以盧綰傳及史記證之晉灼說爲優
常山二十五城 地理志常山郡縣止十八蓋後又改隸或分
析耳

注購設賞募也 募也下南雍本闕本俱有音構二字

相國鄼侯注臣鄼曰鄼音贊 予族子玷曰地理志南陽沛二
郡並有鄼縣以說文解字攷之南陽縣作鄼沛縣作鄼實不
同也何封在沛故班固十八侯銘云文昌四友漢有蕭何序
功第一受封於鄼應劭謂其字音嵯故與何爲韻也其作泗
水亭碑亦然惟臣瓚據茂陵書以爲何封在南陽不知封南
陽鄼者乃何曾孫慶非何也水經注沔水下亦謂何封在南
陽蓋又因臣瓚而誤

漢書辨疑卷一

七

其有意稱明德者

三史拾遺曰

唐事兄所撰廿二史攷異史
漢及後漢書已先付刪削復
有所得者

文選注引漢書意作懿懿稱者美稱也與明德對
名曰拾遺

文則懿義爲長古文懿與意通書金滕噫公命馬融本噫作

懿云懿猶億也詩大雅抑篇國語作懿戒小雅抑此皇父箋

抑之言噫論語抑與之與蔡邕石經抑作意是懿抑意噫四

文可通用也小顏於意稱闕而不解由於未識古音

上見公 南雍本闕本並作上召見

此聞帝崩 闕本此作比

惠帝紀

有罪當盜械者皆頌繫 漢紀頌作容案古容字作頌詩序曰

頌者美盛德之形容儒林傳魯徐生善爲頌師古曰頌讀與

容同漢楊統碑攷庶斯之頌儀義亦作容

及内外公孫耳孫 耳孫元孫之曾孫也爾雅釋親及平紀諸

侯王表甚明當從晉灼說應劭李斐皆誤

二年正月癸酉有兩龍見蘭陵家人井中 家人漢紀作人家

案五行志癸酉有兩龍見於蘭陵廷東里溫陵井中則作人

家者是

邵陽侯仲薨 侯薨不書此何以書以高帝親兄且故代王也

三年立閩越君搖爲東海王 搖漢紀作繇案搖與繇同漢書

徭役字皆作繇

注在吳郡東南濱海云 闕本無云字

四年七月乙亥未央宮凌室災 五行志作十月漢紀作三月

漢書辨疑卷一

八

六年六月舞陽侯噲薨 侯薨不書噲何以書高后時諸呂顯

權用事大臣側目噲尙剛直未必黨同劉氏安危所繫故特

書

高后紀

太子立爲皇帝 他紀皆云某日太子卽皇帝位此處書法不

同蓋呂后臨朝稱制與自立無異且太子是後宮美人之子

非孝惠子不旋踵而爲呂后幽廢與恆山王無異故變文書

之

迺立兄子呂台產祿台子通四人爲王 通后紀七年及外戚

傳並作建四王台爲呂王產爲梁王祿爲趙王通爲燕王

元年初置孝弟力田二千石者一人 二千石指郡國守相也

三百九十四

案其文義當是二千石各一人猶言令各舉一人也若卽以二千石秩加之必不能如此之優顏說非是

強爲淮陽王注韋昭曰今陳雷郡 雷字衍

三年江水溢流民四千餘家 江水下脫漢水南雍本閩本俱有之五行志作漢中南郡大水漢紀亦作江水漢水溢流

注所謂英錢者 者南雍本閩本俱作也

七年九月燕王建薨 建當作通九月荀紀作八月

八年封中謁者張釋卿爲列侯 高帝約非有功不侯恩澤侯自張釋卿始書之于紀惡其爽約也燕王澤傳作大謁者張卿恩澤侯表作張釋史記表及後漢書襄楷傳又作張澤此又作張釋卿本紀表傳不同

漢書辨疑卷一

九

廣雅書局藏

注其有加愚者 愚閩本作異

江水漢水溢流萬餘家 五行志漢中南郡水復出流六千餘家河水流萬餘家

過其姑呂頤 呂頤樊噲妻也說文頤女字也賈侍中說楚人謂姊爲頤離騷女頤之嬋娟王逸曰屈原姊也詩正義引鄭注周易歸妹以須亦云屈原之姊名女須是須與頤古字通

呂頤爲呂后姊也

迺令持節矯內勃北軍 內讀爲納下母內相國產殿門殿門弗內竝同

文帝紀

母曰薄姬注如淳曰姬音怡眾妾之總稱 如說是也六朝人

三百九十八

稱妾母爲姨卽此意但不知姬有怡音因變文爲姨此俗間之謬耳攷爾雅釋親妻之姊妹同出爲姨豈可以稱眾妾小顏謂姬不當音怡失之

丞相臣平太尉臣勃大將軍臣武御史大夫臣蒼注服虔曰武柴武 大昭案服說非也若柴武爲大將軍位又在御史大夫之上則權貴無比公卿表不應失書攷高五王傳漢聞齊王舉兵相國呂產等遣大將軍穎陰侯灌嬰將兵擊之嬰至滎陽乃謀曰諸呂舉兵關中欲危劉氏而自立今我破齊還報是益呂氏資也乃留兵屯滎陽使人諭齊王及諸侯與連和以待呂氏之變而共誅之又灌嬰傳云呂后崩呂祿等欲爲亂齊哀王聞之舉兵西呂祿等以嬰爲大將軍往擊之嬰

漢書辨疑卷一

十

廣雅書局藏

至滎陽乃與絳侯等謀風齊王以兵誅諸呂齊兵不前絳侯既誅諸呂嬰自滎陽還與絳侯陳平共立文帝於是益封嬰三千戶爲太尉觀本紀元年詔書益封戶邑者止有太尉勃丞相平將軍嬰而無名武之大將軍則其爲灌嬰何疑嬰之大將軍是呂祿等所置故公卿表不載至棘蒲侯柴武爲大將軍其事在三年因濟北王反遣武擊之事已卽罷故表亦不載服氏謂文帝卽位之初卽有大將軍柴武失之遠矣宗正臣鄧注文穎曰劉鄧 案百官表高后二年上邳侯劉鄧客爲宗正又王子侯諸侯王表竝作鄧客而史記表與此紀俱作鄧

臣謹請陰安侯注蘇林曰高帝兄伯妻 案漢書婦人封侯者

四百八十五

四陰安之外蕭何夫人爲鄼侯呂類爲臨光侯文紀注作奚林光誤
涓母底爲重平侯

遂卽天子位 他帝皆云卽皇帝位此獨云天子者孝文謙讓再三而後踐阼不敢以美稱自居史家著其謙德

元年詔曰天下人民未有慝志 史記慝作嫌荀子榮辱篇臭之而無嫌於鼻楊倞注嫌當爲嫌蓋義與慝同

或陷於死亡 說文陷壁危也

二年十月丞相陳平薨 丞相薨例書曰不書姓惟陳平灌嬰書姓不書曰申屠嘉不書曰翟方進書姓仍書曰

爲吏及詔所止者遣太子 謂遣列侯太子之國
注憫猶介然也 史記集解引漢書音義憫下有然字

漢書辨疑卷一

十一 廣雅書局藏

初與郡守爲銅虎符 說文琥發兵瑞玉爲虎文蓋用兵取其威武故玉與銅皆用虎也

三年其爲遂率列侯之國 遂南雍本閩本作朕字

註誤吏民 說文註誤也史記張儀傳夫不顧社稷之長利而聽須臾之說註誤人主無過此者

四年九月封齊悼惠王子七人爲列侯 案王子侯表悼惠王子十人皆以五月甲寅封此作七人又作九月皆誤

十四年建成侯董赫內史爰布皆爲將軍 建成侯董赫史記孝文紀作成侯赤徐廣曰亦姓董漢書匈奴傳作成侯董赤功臣表及漢紀俱無建成侯董赫但有成敬侯董濞孝惠元年康侯赤嗣是建成侯衍建字赫赤古字通又攷百官表文

六十四百三十三
小十七

十四年有內史董赤而無爰布布傳又不言曾爲內史竊意內史二字當在成侯之上

後元年無有所隱 閩本隱下有也字

二年結微於道 微古轍字南雍本閩本作轍

四年四月丙寅晦日有蝕之 五行志作丙辰

六年呂中大夫令免爲車騎將軍 漢紀令免作李勉今作令

免字之誤也徐廣以爲中大夫令是官名小顏以爲文帝時

尙無此官其人姓令名免二說皆誤

故楚相蘇意爲將軍 漢紀意作隱案意隱古字通春秋季孫

意如公羊傳作隱如

七年夏六月 案五行志及荀悅漢紀是年正月辛未朔日有

漢書辨疑卷一

十三 廣雅書局藏

食之本紀失載

姪帶無過三寸 姪當爲姪南雍本閩本及漢紀竝作姪

景帝紀

高廟酎奏武德文始五行之舞 鄭司農注春官大胥云漢大

樂律曰卑者之子不得舞宗廟之酎除吏二千石到六百石

及關內侯到五大夫子先取適子高七尺已上年二十到三

十顏色和順身體脩治者以爲舞人

減者欲不受獻罪人不洛不誅亡罪不私其利也 案不私其

利也五字當從閩本在不受獻之下耆古嗜字孟子耆秦人

之炙孫奭音義云耆本亦作嗜小顏曰帑讀與孥同攷毛詩

禮記漢書皆作帑尙書孟子作孥俗字也起於呂忱字林見

四百一十四

張參五經文字

遣御史大夫青翟至代下 案翟字衍百官表作陶青

廷尉信謹與丞相議 信廷尉名百官表孝文後元年有廷尉

信

二年十二月有星孛於西南 漢紀作十一月

封故相國蕭何孫係爲列侯 功臣表孝景二年侯嘉以則弟

紹封二千戶本傳與表及漢紀皆同係當作嘉

三年二月壬子晦日有蝕之 五行志作壬午晦漢紀作辛巳

朔

四年十月戊戌晦日有蝕之 五行志漢紀皆不載

七年正月廢皇太子榮爲臨江王 表作十一月己酉

漢書辨疑卷一

主

廣雅書局校

中元年封故御史大夫周苛周昌孫子爲列侯注師古曰封苛

之孫及昌之子也 案顏說非是功臣表高景侯周成以父

苛功爲侯孝文時有罪國除孝景中元年侯應以成孫紹封

史記同則應乃苛之曾孫不得謂之孫矣又云汾陰悼侯周

昌再傳至孝文時有罪國除孝景中元年俗本作中侯左車

以昌孫紹封爲安陽侯昌傳亦以左車爲昌孫則左車乃昌孫非昌子

也孫子二字當有關誤小顏未之攷耳

二年九月封故楚趙傅相內史前死事者四人子 功臣表皆

云四月丁巳封

三年春正月皇太后崩 予謂此七字衍史記及漢紀俱無此

事

大三百七十七
小二十六

九月立皇子乘爲清河王 表云三月丁酉立

四年起德陽宮 閩本作陽德宮注竝同

五年立皇子舜爲常山王 表云三月丁巳立

六年四月梁王薨 梁王武不書名疑轉寫者脫之

後二年詔曰奸法與盜盜甚無謂也 謂閩本作異

今訾算十以上乃得宦 董仲舒傳云選郎吏又以富訾未必

賢也

贊固密文峻 閩古綱字

漢書辨疑卷一終 南海潘乃成番禺黎永椿林國贊章琮校字

漢書辨疑卷一

西

廣雅書局校

一百四十二

嘉定錢大昭撰

武帝紀

封皇太后同母弟田蚡勝 說文駁地行鼠伯勞所作也一日

假鼠重文作蚡

建元二年注本槐里之縣茂鄉 之縣二字南雍本闕本竝倒

轉

廢遷防陵 表傳竝作房陵

五年春罷三銖錢 五行志及漢紀是年正月己巳朔日有蝕

之紀失載

注王王后之母武帝然祖母 王后當作皇后然當作外

漢書辨疑卷二

廣雅書局

六年春二月乙未遼東高廟災 五行志作六月丁酉疑誤

八月有星孛於東方長竟天 此卽蚩尤旗也五行志云長星

出於東方長終天三十日去

遣大行王恢將兵出豫章大司農韓安國出會稽擊之 案大

行當作大行令百官表云典客秦官景帝中六年更名大行

令表中建元五年有大行令王恢大司農當作大農令百官

表云治粟內史景帝後元年更名大農令武帝太初元年更

名大司農表中建元三年北地都尉韓安國爲大農令故太

初以前表所載惠殷鄭當時顏異正夫孔僅劉安國張成等

皆大農令至桑羊以後乃稱大司農然則建元時不當有大

司農無疑也

三百六十一

越人殺郢降 越上當有闕字

元光元年注以三星見 三當作長

夏四月 案五行志及漢紀二月丙辰晦日有食之本紀不載

海外肅春 古文慎作春不从目

欲刷恥改行 貨殖傳刷會稽之恥師古曰謂拭除之

元朔元年匈奴入遼西殺太守入漁陽雁門敗都尉 敗闕本

作殺

二年三月乙亥晦日有蝕之 五行志作二月乙巳晦

六年 五行志是年十一月癸丑晦日有蝕之漢紀作癸酉此

不載

元狩元年恍於邪說 恍讀若誑說文誑誘也食貨志云善人

漢書辨疑卷二

廣雅書局

恍而爲姦邪李奇曰恍誘也動心於姦邪也

注應劭曰狃恍也 陳景雲曰狃恍二字當乙應氏本蓋以恍

爲恍也 景雲字少章長洲人

元鼎二年夏大水關東餓死者以千數 據魏相傳是時平原

勃海太山東郡溥被災害

四年立后土祠於汾陰睢上 說文鄒河東臨汾地卽漢之所

祭后上處从邑癸聲鄒正字睢借用字漢舊儀又作蔡司馬

貞曰益河東呼誰與蔡同耳酈道元分鄒丘與睢爲二失之

注此於觀爲衛公 此闕本作封建武十三年封姬常爲衛公

郡國志衛公國本觀

注利長先作土人持勒鞞於水旁 作疑當作使

六百七十四

獲祭於廟 祭南雍本閩本並作薦

拜況于郊 況古既字信十五年左氏傳女承筐亦無既也釋

文本亦作況子虛賦來況齊國爾雅釋詁既賜也

遣伏波將軍路博德出桂陽下湟水 湟水小顏無注當作涇

水音相近而誤水經涇水出桂陽縣盧聚東南過合涇縣南

出涇浦關為桂水地理志南海郡中宿縣有涇浦關此正伐

南越之道若是湟水則出金城臨羌塞外與此不相涉

歸義越侯嚴為戈船將軍 嚴漢紀作嚴助非是嚴助未嘗封

侯依張晏說以為故越人降為歸義侯則越字當在歸義之

上如下文越馳義侯遺之例矣功臣表亦無此侯

甲為下瀨將軍 不知其名謂之甲也甲漢紀作祖廣明

漢書辨疑卷二

三

六年郎中令一自為征西羌 一當作徐百官表元符六年有

郎中令徐自為

珠崖儋耳郡 賈捐之傳云二郡皆在南方海中洲居廣袤可

千里合十六縣戶二萬三千餘始元五年罷儋耳郡并屬珠

崖初元三年并罷珠崖

元封元年親登嵩高 嵩閩本作崇案嵩字說文新附章昭注

國語云嵩古通用崇郊祀志作嵩高

注比古制也 比南雍本閩本皆作此

秋有星孛于東井又孛于三台 五行志作五月

三年作角抵戲 刑法志云戰國稍增講武之禮以為戲樂用

相夸視而秦更名角抵蓋古有此戲今復作之

四百三十九

五年舳舻千里 說文舳舻也漢律名船方長為舳舻一曰舳

尾舻舳舻也一曰船頭

故馬或奔蹏而致千里 李善曰言馬不良或奔或蹏御之以

道而致千里之塗越絕書曰有高世之材者必有負俗之累

也

夫泛駕之馬 應劭曰泛覆也馬有餘氣力乃能敗駕

太初二年腰五日 諸家以腰為犢腰犢腰者立秋時行之後

漢書劉聖公傳欲以立秋日犢腰時其却更始是也此腰行

於三月恐非其義說文解字腰楚俗以二月祭飲食也一曰

祈穀食新曰離腰無離字其說近之

注即得所築城 得閩本作徐

漢書辨疑卷二

四

注則搜索踰侈者也 閩本無則搜二字

天漢四年 據後漢書西南夷傳是年省沈黎郡并蜀為西部

太始元年徙郡國吏民豪傑于茂陵雲陵 小顏以為當言雲

陽其說是也荀紀云陵在雲陽

夏六月 五行志及漢紀是年正月乙巳晦日有蝕之

二年九月募死罪人贖錢五十萬減死一等 顧炎武曰此與

天漢四年一事重見又同是九月案漢紀亦重載蕭望之傳

望之所引止言天漢四年不云太始二年復有詔也

征和二年更節加黃旄 劉屈氂傳云初漢節純赤以太子持

赤節故更為黃旄加上以別之

立趙敬肅王子假為平王 平下脫于字南雍本閩本皆有之

四百三十九

孟康曰平今廣平

後二年注帝年十七卽位 漢紀云年十六

昭帝紀

孝昭皇帝注荀悅曰諱弗之字曰不 案昭帝初名弗陵武帝

後元二年立皇子弗陵爲皇太子是也後但名弗故諱弗不

諱陵

母曰趙婕妤 說文婕女字也嫵女字也讀若余二字連文知

許氏以婕嫵爲婦官名史記外戚世家尹婕妤昭曰婕承

好助也一曰美好也

始元元年益州廉頭姑繒牂柯談指同竝二十四邑皆反 談

指同竝二縣屬牂柯廉頭姑繒益州郡無此二縣

漢書辨疑卷二

五

廣雅書局集

遣水衡都尉呂破胡募吏民 案西南夷傳百官表竝作呂辟

胡師古音辟爲璧

齊孝王孫劉澤謀反 劉澤書姓以其謀反外之使若異姓然

皆以前捕斬反虜重合侯馬通功 討馬通事在武帝後元元

年

五年軍正王平擊益州 此卽上文故廷尉王平也

元鳳元年龍領侯韓增 增表作曾領宣紀作雒竝誤

承相少史王壽 下文封延年倉宮壽則其人名壽功臣表作

王山壽補史記作王山

四年帝加元服 惠帝紀云皇帝冠與此書法不同博物記孝

昭皇帝冠辭曰陛下摘顯先帝之光曜以承皇天之嘉祿欽

三百七十八

奉仲春之吉辰普尊大道之郊域秉率百福之休靈始加昭

明之元服推遠沖孺之幼志蘊積文武之就德肅勤高祖之

清廟六合之內靡不蒙德永承與天無極

孝文廟正殿火太常坐大不敬會赦太常轅陽侯德免爲庶人

注文穎曰轅音料德江德也轅陽在魏郡清淵 案百官表

始元六年轅陽侯江德爲太常四年坐廟夜郎飲失火免與

本紀同水經淇水注云昭帝封太常江德爲榆陽侯攷史記

補表作潯陽侯江德田廣明傳慶裔夫江德封轅陽侯田延

年傳上封德轅陽侯而功臣表止有轅陽侯江喜又不言其

有罪免官或疑別是一人然江喜不見史傳而江德則確鑿

可據其爲名德無疑變文爲喜者傳寫之誤不言有罪免官

漢書辨疑卷二

六

廣雅書局集

者免官而不免侯也郊祀志有轅陽侯師古曰江仁也元帝

時坐使家承上印綬隨宗學仙免官江仁卽江德之子也

贊亦有燕蓋上官逆亂之謀 蓋與蓋同卽長公主

宣帝紀

孝宣皇帝注荀悅曰詢之字曰謀 帝初名病已元康二年改

名詢

每買餅所從買家輒大讎 古售字作讎史記高祖本紀每酤

畱飲酒讎數倍索隱曰樂彥云借讎爲售蓋古字少段借耳

今亦依字讀

就齊宗正府 齊讀爲齋

本始元年車騎將軍光祿勳富平侯安世萬戶注李斐曰居光

四百三十三

祿位以車騎官號尊之無車騎官屬 案李說非也百官表元鳳元年光祿勳張安世爲右將軍光祿勳六年遷元平元年右將軍安世爲車騎將軍光祿勳七年遷是安世初爲右將軍光祿勳故表云光祿勳并右將軍也迨改官車騎仍兼光祿勳車騎本非加銜安得謂之無官屬乎

杜侯屠耆堂 堂字衍功臣表但云屠耆本紀五鳳三年匈奴虛閼權渠單于死右賢王屠耆堂代立非杜侯也霍光傳亦誤作屠耆堂說者乃謂功臣表脫堂字誤矣

注成帝侍內郡舉方正 侍南雍本闕本竝作時

賜天下人爵各一級 人當作民

四年廣川王吉有罪廢 坐烹姬不道吉表傳及漢紀皆作去

漢書辨疑卷二

七

漢書局校

地節元年有星孛於西方 五行志云去太白二丈所

二年光祿大夫平丘侯王遷有罪下獄死 坐平尚書聽請受

臧六百萬

五日一聽事曰下各奉職奏事 聽事下南雍本闕本竝有自

丞相三字

清河王年有罪廢 坐鳥獸行

元康元年庶不允諧 不南雍本闕本竝作尹

骨肉之親繁而不殊 漢紀作放而不誅案昭公元年左氏傳

周公殺管叔而蔡蔡叔注云蔡放也陸氏釋文云上蔡字音

素葛反說文作繁从殺下米此作繁字繁之誤也漢書多古

字故作繁

四百一十二

神爵二年屢獲天福 屢漢書皆作婁此獨不然誤

五鳳元年左馮翊韓延壽有罪棄市 坐誣想典法大臣欲以

解罪

二年匈奴呼遼累單于帥眾來降 卽義陽侯厲溫敦

平通侯陽暉 陽南雍本作楊闕本作楊

甘露元年二月丁巳大司馬車騎將軍延壽薨 表與漢紀俱

作三月

太上皇廟火 五行志作中山太上皇廟災

二年遣護軍都尉將兵擊珠崖 祿漢紀作張祿

行幸黃陽宮注應劭曰宮在鄠秦文王所起 東方朔傳作倍

陽李斐音黃爲倍故字又作倍負倍古通用夏本紀負尾地

漢書辨疑卷二

八

漢書局校

理志橫尾山古文以爲倍尾月令云王黃生呂覽作王菩穆

天子傳注云黃今菩字皆其證也說文鄴右扶風鄴鄉讀若

陪鄴鄉卽黃鄉宮在其鄉故以名焉鄴正字黃倍竝段借用

耳

詩云率禮不越 毛詩禮作履古禮與履通蕭望之傳及韓詩

外傳說苑竝引作率禮

三年單于罷歸之長樂衛尉高昌侯忠 之當作遣南雍本闕

本竝不誤

詔諸儒講論五經同異太子太傅蕭望之等平奏其議上親稱

制臨決焉 案是時與議石渠者易家博士沛施雠黃門郎

東萊梁丘臨書家博士千乘歐陽地餘博士濟南林尊譯官

三百九十六

令齊周堪博士扶風張山拊謁者陳雷假倉詩家淮陽中尉
魯韋元成博士山陽張長安沛薛廣德禮家梁戴聖太子舍
人沛聞人通漢公羊家博士嚴彭祖侍郎申輓伊推宋顯許
廣穀梁家議郎汝南尹更始待詔劉向梁周慶丁姓中郎王
亥其可考者凡二十三人議奏之見於藝文志者書四十二
篇禮三十八篇春秋三十九篇論語十八篇五經雜議十八
篇凡一百六十五篇易詩二經獨無議奏班氏失載之耳
迺立梁丘易大小夏侯尚書穀梁春秋博士 漢紀有公羊春
秋左氏傳七字蓋誤也劉歆傳可證
四年廣川王海陽有罪廢 坐殺人
元帝紀

漢書辨疑卷二

九

廣雅書局

大臣楊惲孟寬饒等 孟南雍本閩本作蓋
奈何純住德教 住當作任

初元二年嚴籓池田假與貧民 嚴古籓字說文籓雉射所蔽
者也籓禁苑也應劭曰籓在池水上作室可用棲鳥鳥入則
捕之 應說見文選注

乃二月戊午地震於隴西郡 地震事見詔書故於二月不書
避重出

毀落太上皇廟殿壁木飾 案高帝紀十年八月令諸侯王皆
立太上皇廟于國都隴西郡非諸侯王都何以有此廟所未
解也又攷惠帝紀令郡諸侯王立高廟此所毀落者或是高
廟歟

大三百九十二
小一十六

注師古曰煬音供養之養也 師古南雍本閩本皆作鄭氏說
令從官給事宮司馬中者注應劭曰司馬中者宮內門也 案
漢舊儀皇帝起居儀宮司馬內百官案籍出入營衛周廬晝
夜誰何殿外門署屬衛尉殿內郎署屬光祿勳黃門鉤盾署
屬少府
十二月丁未御史大夫貢禹卒 案是年御史大夫陳萬年先
卒不知何以不書

注雍讀曰 曰下脫壅字

注稼或作臧 臧南雍本閩本並作桑

永光二年吏六百石以上爵五大夫勤事吏各二級 爵自五
大夫以上爲官爵故必六百石以上乃賜之其勤事吏之二

漢書辨疑卷二

十

廣雅書局

級民爵也

四年六月甲戌孝宣園東闕災 五行志作孝宣杜陵園東闕
南方災

注永上有職事者 事南雍本閩本並作字
家有不安之意 不安閩本作不自安

五年秋潁川水出流殺人民 五行志是年夏及秋大水潁川
汝南淮陽廬江兩壤鄉聚民舍及水流殺人

注蛾若今之蠶蛾類也 閩本若字上有成羣二字

建昭元年冬河間王元有罪廢 坐殺人

二年益三河郡太守秩 漢紀云益秩中二千石

竟寧元年注應劭曰庠韓邪單于願保塞邊竟得以安寧故曰

三百八十三

冠元也 案應說是也說文無境字竟卽境也且其詔曰邊垂長無兵革之事意義顯然小顏拘泥詔中長字故以竟爲終極之言果如其說在漢人文義必曰永寧矣

御史大夫延壽卒 延壽不書姓疑脫

注帝年二十七卽位 漢紀元帝卽位年二十六據本紀云年

二歲宣帝卽位則荀紀是

贊元帝多材藝善史書注應劭曰周宣王太史史籀所作大篆三史拾遺曰應說非也漢律太史試學童能諷書九千以上乃得爲史貢禹傳武帝時盜賊起郡國擇便巧史書者以爲右職俗皆曰何以禮義爲史書而仕宦蓋史書者今史所習之書猶言隸書也善史書者謂能識字作隸書耳豈皆盡

漢書辨疑卷二

十一

廣雅書局印

通史籀十五篇乎外戚傳許皇后聰慧善史書西域傳楚主侍者馮嫫能史書王尊傳少善史書後漢書安帝紀年十歲好學史書皇后紀鄧皇后六歲能史書梁皇后少好史書章八王傳安帝所生母左姬善史書齊武王傳北海敬王睦善史書當世以爲楷則明八王傳樂成靖王黨善史學喜正文字諸書所稱善史書者無過諸王后妃嬪御之流略知隸楷已足成名非真精通篆籀也魏史管寧傳潁川胡昭善史書與鍾繇鄧鄠清衛顗輩誕豈有尺牘之迹動見楷則史書之卽隸書明矣

有古之風烈 聞本風烈下有也字

成帝紀

四百四十四

六月己未太子卽皇帝 己未誤荀紀作乙未

建始元年皇曾祖悼考廟災 五行志作皇考廟災

有星孛于營室 五行志青白色長六七丈廣尺餘

二年三輔長無共張繇役之勞 張晏曰張帷帳也 文選東都賦注引

小顏以爲供具張設故不取其說

三年秋關內大水 五行志是年夏大水三輔霖雨三十餘日

郡國十九雨山谷水出凡殺四千餘人

七月虜上小女陳持弓 五行志作十月丁未

十二月戊申朔日有蝕之 谷永傳云日食發女之分

四年罷中書宦官注臣瓚曰漢初中人有中謁者令孝武加中

謁者令爲中書謁者令置僕射 案瓚說非也百官公卿表

漢書辨疑卷二

十二

廣雅書局印

少府有中書謁者黃門鉤盾尚方御府丞巷內者宦者七官令丞諸僕射署長中黃門皆屬焉又曰成帝建始四年更名中書謁者令爲中謁者令然則漢初但有中書謁者令成帝罷中書之名改爲中謁者令耳豈得謂武帝所加乎僕射亦非孝武始置

初置尚書員五人 漢官儀云尚書四員武帝置成帝加一爲

五有侍曹尚書戶曹尚書主客尚書二千石尚書成帝加三

公尚書主斷獄事 見後漢書光武紀注

中謁者丞陳臨 百官表有中書謁者令丞是時令已改爲中

謁者則丞亦改矣故有中謁者丞

注言令陳農爲使而吏反下使使之求遺書也上使音所讀如

大四百二十六
小二十五